

24 DEC 2000

DR MAHATHIR TIBA UNTUK LAWATAN SINGKAT KE KEDAH

ALOR SETAR, 24 Dis (Bernama) -- Perdana Menteri Datuk Seri Dr Mahathir Mohamad hari ini tiba di Lapangan Terbang Sultan Abdul Halim, Kepala Batas dekat sini untuk lawatan singkat ke negeri ini.

Perdana Menteri yang ditemani isteri Datin Seri Dr Siti Hasmah Mohd Ali tiba di lapangan terbang itu pada pukul 2 petang dan disambut oleh Menteri Besar Datuk Seri Syed Razak Syed Zain.

Yang turut hadir ialah pemimpin-pemimpin Barisan Nasional (BN) Kedah serta para penyokong BN.

Dr Mahathir dijadual melawat Pusat Siber Pendidikan Parlimen Kubang Pasu serta menyampaikan bantuan hari raya kepada penduduk kawasan Parlimen Kubang Pasu pada pukul 3 petang.

Perdana Menteri kemudian akan melawat Pekan Rabu, sebuah kompleks perniagaan Bumiputera terkenal di negeri ini pada pukul 4.30 petang.

Seterusnya, Perdana Menteri akan menghadiri majlis berbuka puasa di Masjid Al-Bukhary, Jalan Langgar di sini.

Dr Mahathir dijangka berlepas pulang ke ibunegara malam ini.

-- BERNAMA

MAN AKD